



Broj: 07-97-4/22.

Datum: 14.02.2022. godine

PREDMET: Izmjena dijela tenderske dokumentacije u postupku javnog nadmetanja „Amortizer i ozubljeni vijenac“

U vezi sa Obavještenjem i Pozivom za dostavu ponude u postupku javnog nadmetanja „Amortizer i ozubljeni vijenac“ broj: 07-93-2/22 i 07-97-3/22 od 07.02.2022. godine, blagovremeno i u roku postavljena su pitanja zainteresiranog ponuđača, kako slijedi:

1. Rok isporuke opreme navedene u tenderskoj dokumentaciji je 7 mjeseci od datuma obostranog potpisivanja ugovora. Trenutno se rokovi isporuke za nekoliko kritičnih dijelova preko 8 mjeseci. S obzirom na to da proizvođač mora da završi montažu svih dijelova u radionici, izvrši kvalitetno i funkcionalno ispitivanje, a ponuđač organizuje transport, tražimo od Društva da se rok isporuke promijeni. Kako bismo ispunili sve zahtjeve tenderske specifikacije pod aktuelnim uticajem pandemije i uticaja na rokove isporuke dijelova, molimo da Društvo promijeni rok isporuke na 9 mjeseci.

2. Rok za prijem ponuda je 17.02.2022. Molimo vas da ga produžite za 7 dana, tj. do 24.02.2022.. kako bi riješili sva tehnička pitanja sa proizvođačem.

3. Obzirom da se radi o uveznoj opremi, molimo vas da promijenite rok plaćanja na: 50% avans i 50% 7 dana prije isporuke proizvođača.

S tim u vezi, Društvo vrši izmjenu tenderske dokumentacije u dijelovima kako slijedi:

Mijenja se tačka 4.4 TD i umjesto:

4.4 Rok isporuke: Cjelokupna ugovorena količina će biti isporučena u periodu od 7 mjeseci od datuma obostranog potpisivanja ugovora i uplate avansa kako je to predviđeno tačkom 4.6 TD)

Ponuđači su dužni dostaviti Izjavu kojom garantuju da će roba koja je predmet ove nabavke biti isporučena u navedenim rokovima. Ukoliko u svojoj ponudi ponuđač navede rok koji duži od zahtjevanog, ista se neće uzeti u razmatranje.

i izmjenjena glasi:

4.4 Rok isporuke: Cjelokupna ugovorena količina će biti isporučena u periodu od 9 mjeseci od datuma obostranog potpisivanja ugovora i uplate avansa kako je to predviđeno tačkom 4.6 TD)

Ponuđači su dužni dostaviti Izjavu kojom garantuju da će roba koja je predmet ove nabavke biti isporučena u navedenim rokovima. Ukoliko u svojoj ponudi ponuđač navede rok koji duži od zahtjevanog, ista se neće uzeti u razmatranje.

Mijenja se tačka 4.6 TD i umjesto:

4.6 Rok plaćanja: 50% avans uz obezbjeđenje avansne garancije na iznos uplate i ostatak 50%-2 dana nakon kvalitativnog i kvantitativnog prijema robe i dostave originalne fakture na plaćanje.

i izmjenjena glasi:

4.6 Rok plaćanja: 50% avans nakon obostranog potpisivanja ugovora uz obezbjeđenje avasne garancije na 100% iznos ugovorene cijene, ostatak 50%-7 dana prije isporuke proizvođača.

Ujedno se vrši izmjena roka za dostavu ponuda navedenog u Obavještenju o nabavci broj: 07-97-2/22 i u tačkama 5.9, 5.10, 5.13 i 5.14.

Novi rok za dostavljanje punda je 24.02.2022. godine do 11:00 sati. Ajvno otvaranje ponuda će se izvršiti 24.02.2022. godine sa početklom u 12:00 sati

- Vrš se izmjena Obrasca 3- Obrazac za cijenu ponude (pariteti DDP i DAP) te Obrasca 10- Nacrt ugovora. Isti se dostavljaju u prilogu ove izmjene.

U svim ostalim tačkama, poziv ostaje nepromijenjen.



TTU energetik d.o.o. Tuzla
direktor, Almir Zulić

NACRT UGOVORA
Obrazac 10



UGOVOR BROJ _____

NARUČILAC:

Tvornica transportnih uređaja energetik d.o.o. Tuzla
Ul. 18 Hrvatske brigade broj 25
75 000 Tuzla
Bosna i Hercegovina

i

IZVRŠILAC:

PREDMET NABAVKE:

„Amortizer i ozubljeni vijenac“

POSTUPAK JAVNOG NADMETANJA

BROJ: 07-97-3/22

Tuzla, februar 2022. godine



UGOVORNE STRANE:

1. „Tvornica transportnih uređaja energetik doo Tuzla, Ulica 18. hrvatske brigade broj 25, PDV broj 210256230002 koje zastupa Almir Zulić, direktor, (u daljem tekstu: Kupac).
2. _____, PDV broj _____ koje zastupa _____ (u daljem tekstu: Prodavac).

U daljem tekstu „Ugovorne strane“.

PREDMET UGOVORA

Član 1.

Predmet ovog Ugovora je isporuka robe „Amortizer i ozubljeni vijenac“, prema zahtjevima Kupca iz tehničke specifikacije TD kako slijedi:

Redni broj	Naziv	Jedinica mjere	Količina	Jedinična cijena u KM bez PDV-a	Ukupan iznos u KM bez PDV-a
1.	Amortizer crt. Br. MS-A4-001/22	kom	2		
2.	Ozubljeni vijenac crt.br. MS-A3-001/22	kom	2		
UKUPAN IZNOS BEZ PDV-a					
PDV (17%)					
UKUPAN IZNOS SA PDV-om					

a u skladu s članom 11. Pravilnika o nabavkama TTU energetik d.o.o. Tuzla, nakon provedenog postupka javnog nadmetanja za nabavku i izbora najpovoljnije ponude, na osnovu Zapisnika o ocjeni ponuda broj: _____ od _____. godine, Odlukom direktora broj: _____ od _____. godine, ponuda Prodavca robe od _____. godine je ocjenjena kao najpovoljnija i ista je sastavni dio ovog Ugovora.

UGOVORENA CIJENA

Član 2.

Ukupno ugovorena cijena za predmet Ugovora iz člana 1. ovog Ugovora, na paritetu DDP/ DAP, iznosi:

Ukupno bez PDV-a:

PDV (17%):

Ukupno sa PDV-om:

Ukupni iznos Ugovora:

(Slovima: _____)

)



NAČIN PLAĆANJA

Član 3.

Kupac i Prodavac su saglasni da će se plaćanje ugovorene cijene izvršiti 50% avans nakon obostranog potpisivanja ugovora uz obezbjeđenje avasne garancije na 100% iznos ugovorene cijene od strane Prodavca, ostatak 50%-7 dana prije isporuke proizvođača.

Uz isporuku, Prodavac je dužan dostaviti sljedeću dokumentaciju:

- Otpremnica robe-lista isporučene robe usklađena sa specifikacijom iz ugovora,
- Ateste 3.1 po standardu EN10204 (hemijska analiza po standardu EN 10250-3, mehanički atesti po standardu EN 10250-3, ultrazvuk po standardu EN 102228-3 class 3, dimenzioni izvještaj u skladu sa crtežima), a u skladu sa datom izjavom u priloženoj dokumentaciji ponude. U slučaju da ovaj uslov ne bude ispoštavan, odnosno, ako uz isporučenu robu ne bude dostavljen odgovarajući atest i dokaz o porijeklu robe Kupac ima pravo da vrati dostavljenu robu uz zahtjev za naknadu štete nastale zbog neizvršenja ugovorenog posla.

ISPORUKA ROBE

Član 4.

Prodavac se obavezuje da kompletno ugovorenu količinu isporuči u roku od 9 mjeseci od datuma obostranog potpisivanja ugovora i uplate avansa kako je to članom 1. stav 1 ovog Ugovora.

OBAVEZE PRODAVCA

Član 5.

Prodavac se obavezuje da:

- cjelokupan posao iz člana 1. Ugovora izvrši kao specijalizirano preduzeće za ovu vrstu poslova, a u skladu sa Ugovorom, zakonskim propisima, tehničkim normativima, pravilima i standardima struke za ovu vrstu poslova,
- izvrši sve radnje neophodne za isporuku robe, kao što su: pakovanje, otprema, obavljanje svih neophodnih administrativnih i komercijalnih formalnosti, prevoz do ugovorene destinacije i sve druge radnji u smislu pripreme robe za blagovremenu isporuku na ugovoreno odredište,
- snosi sve rizike do konačnog prijema robe na krajnje odredište, u roku koji je propisan Ugovorom.
- dostaviti potrebne ateste i certifikate od proizvođača o porijeklu predmetne robe, a prilikom isporuke. U slučaju da ovaj uslov ne bude ispoštovan, Kupac ima pravo vratiti robu prodavcu.

OBAVEZE KUPCA

Član 6.

Kupac se obavezuje da će:

- izvršiti prijem robe na skladište u skladu sa odredbama ovog Ugovora,
- izvršiti plaćanje u skladu sa članom 3. ovog Ugovora,
- sačiniti Zapisnik o kvalitativnom i kvantitativnom prijemu.

GARANCIJA ZA KVALITET ROBE

Član 7.

Prodavac garantuje da je roba nova, neiskorištena i da odgovara za svrhu za koju se koristi i da u cijelosti odgovara proizvođačkoj tehničkoj specifikaciji i definiranim zahtjevima koje je Kupac naveo u tenderskoj dokumentaciji.

Garantni rok je 12 mjeseci od isporuke.

U toku garantnog roka, Prodavac je dužan da na poziv Kupca o svom trošku otkloni sve nedostatke robe. Ukoliko se oštećenja i nedostaci pokažu za vrijeme trajanja garancije, Kupac bez odlaganja



obavještava Prodavca. Ukoliko Prodavac propusti da u vremenskom roku propisanom u obavijesti popravi oštećenje ili nedostatak isporučene robe, Kupac može:

- sam ili putem trećeg lica popraviti oštećenje ili nedostatak o trošku Prodavca ili zahtijevati od Prodavca zamjenu robe,
- raskinuti Ugovor i tražiti naknadu štete,
- tražiti naknadu štete ukoliko je istekao rok na koji je Ugovor zaključen.

U hitnim slučajevima kada je nemoguće pravovremeno obavijestiti Prodavca ili on po obavještenju ne može da poduzme potrebne mjere, Kupac može na račun Prodavca obaviti taj posao. Kupac je dužan da što prije obavijesti Prodavca o preduzetoj radnji.

GARANCIJA ZA DOBRO IZVRŠENJE POSLA

Član 8.

Prodavac je obavezan dostaviti Kupcu bankovnu garanciju za uredno izvršenje posla u roku od 10 (deset) dana od dana stupanja Ugovora na snagu. Iznos garancije će biti plativ Kupcu kao kompenzacija za bilo koji gubitak koji bi bio prouzrokovan, ako Prodavac ne uspije da izvrši svoje obaveze po Ugovoru.

Visina garantnog depozita u formi bankarske garancije je 3 % (tri posto) od ukupno ugovorene vrijednosti bez PDV-a, i to:

- sa rokom važnosti 7 (sedam) mjeseci od dana obostrano potpisanog Ugovora.

Ukoliko garancija ne bude dostavljena u zahtijevanom roku, zaključeni Ugovor će se smatrati apsolutno ništavnim.

Obezbjedenje izvršenja će biti ukinuto od strane Kupca i vraćeno Prodavcu, ne kasnije od 30 (trideset) dana nakon datuma izvršenja svih obaveza po Ugovoru.

UGOVORNA KAZNA

Član 9.

Za svaki dan neopravdanog zakašnjenja u izvršenju obaveze iz Ugovora, Prodavac se obavezuje Kupcu na ime ugovorne kazne platiti 1‰ (jedan promil) od ukupne ugovorne cijene bez PDV-a iz člana 2. ovog Ugovora, a najviše 10% (deset posto) ugovorne kazne.

Kupac u slučaju prijema izvršenja obaveze iz Ugovora nakon zakašnjenja zadržava pravo na naplatu kazne, koja će se izvršiti umanjenjem iznosa na fakturu i to za iznos obračunate ugovorne kazne.

NAKNADA ŠTETE

Član 10.

Prodavac je dužan naknaditi štetu, koja nastupi iz djelovanja ili propuštanja Prodavca ili njegovih zaposlenika, u izvršavanju obaveza iz ovog Ugovora.

VIŠA SILA

Član 11.

Pod višom silom se podrazumijevaju događaji i okolnosti koje se nisu mogle predvidjeti u vrijeme zaključenja Ugovora, izbjegli ili otkloniti u toku realizacije istog i koje onemogućavaju izvršenje ugovornih obaveza, a pod uslovom da iste ne podrazumijevaju krivicu ili nemar ugovorne strane.



Pod događajima i okolnostima iz prethodnog stava smatraće se naročito: rat, poplava, požar, generalni štrajk i slični događaji.

Ukoliko dođe do pojave događaja i okolnosti koje se u smislu ovog Ugovora mogu smatrati višom silom, ugovorna strana koja se poziva na višu silu, je dužna na način koji je u datoj situaciji jedino moguć, odmah obavijestiti drugu ugovornu stranu o tom stanju i njegovim uzrocima, a najkasnije u roku od tri dana od dana nastanka više sile pisanim putem.

U slučaju nastupanja događaja i okolnosti koji se mogu smatrati višom silom u smislu ovog člana Ugovora, nemogućnost ugovorne strane da ispuni bilo koju od svojih ugovornih obaveza neće se smatrati razlogom za raskid ugovora ili neispunjavanjem ugovorne obaveze, ukoliko je:

- preduzela sve potrebne mjere predostrožnosti i potrebnu pažnju, kako bi izvršila svoje obaveze u rokovima i pod uslovima iz ovog Ugovora i
- obavijestila drugu ugovornu stranu o nastupanju više sile na način definisan u stavu 3) ovog člana Ugovora i preduzetim mjerama na otklanjanju štetnih posljedica dejstva više sile.

RASKID UGOVORA

Član 12.

Ovaj Ugovor može biti raskinut:

- a. na osnovu sporazuma ugovornih strana,
- b. jednostranim raskidom jedne od ugovornih strana u slučaju da druga ugovorna strana ne ispunjava obaveze iz Ugovora u utvrđenim rokovima i na utvrđeni način,
- c. Kupac proglasi stečaj ili likvidaciju ili ne bude platežno sposoban na bilo koji drugi način,
- d. drugih razloga u skladu sa važećim zakonima.

Pravo na raskid ugovora zadržavaju obje ugovorne strane u slučaju da jedna od ugovornih strana ne ispunjava svoje ugovorne obaveze.

Ugovorna strana koja pokreće postupak za raskid ugovora iz razloga navedenog u stavu 1) tačka b) ovog člana Ugovora, obavezna je prije podnošenja zahtjeva za raskid ugovora dostaviti pisanu opomenu drugoj ugovornoj strani o neizvršavanju obaveza sa dodatnim rokom za ispunjenje tih obaveza.

Dodatni rok iz prethodnog stava ovog člana Ugovora ne može biti duži od 3 (tri) dana.

U slučaju da ugovorna strana koja ne ispunjava obaveze iz Ugovora u utvrđenim rokovima i na utvrđeni način, ni u ostavljenom roku ne ispuni obaveze iz Ugovora, ovaj Ugovor se smatra raskinutim.

POVJERLJIVOST

Član 13.

Ugovorne strane i njihovo osoblje ne mogu za vrijeme trajanja ovog Ugovora, kao i nakon prestanka njegovog važenja, u skladu sa zakonom, objaviti nikakvu povjerljivu informaciju koja se odnosi na zadatak, ovaj Ugovor ili poslovanje ugovornih strana, bez prethodne pisane saglasnosti druge ugovorne strane.

RJEŠAVANJE SPOROVA

Član 14.

Ugovorne strane će uložiti maksimalne napore da sporazumno, u duhu dobrih poslovnih odnosa i uzajamnog povjerenja, riješe sve eventualne sporove koji se pojave u vezi sa ovim Ugovorom ili njegovom interpretacijom. U slučaju da se spor između ugovornih strana u vezi sa ovim Ugovorom ne može sporazumno riješiti, isti će se povjeriti na rješavanje stvarno nadležnom sudu u Tuzli.



PRIMJENA PRAVA

Član 15.

Ugovorne strane su saglasne da se na međusobna prava i obaveze koje nisu regulisane ovim Ugovorom primjenjuju odredbe Zakona o obligacionim odnosima.

OSTALE ODREDBE

Član 16.

Sve izmjene ovog Ugovora mogu se vršiti isključivo i samo uz pisanu saglasnost ugovornih strana. Sva obavještenja, zahtjevi ili pristanci, načinjeni u saglasnosti sa ovim Ugovorom, biće u pisanoj formi i smatrat će se da su sačinjeni onda kada su poslani drugoj ugovornoj strani ili ovlaštenom predstavniku te ugovorne strane.

Član 17.

Ovaj Ugovor stupa na snagu danom potpisivanja od strane ovlaštenih lica ugovornih strana.

Član 18.

Ovaj Ugovor je sačinjen u 4 (četiri) istovjetna originalna primjerka, po 2 (dva) za svaku ugovornu stranu.

Za Prodavca
Direktor

Za Kupca
Direktor

Broj:
Datum:

Broj: _____/22.
Datum: _____. godine

OBRAZAC ZA CIJENU PONUDE
popunjavaju domaći ponuđači na paritetu DDP skladište Kupca

Naziv ponuđača: _____
Ponuda ponuđača za postupak javnog nadmetanja broj 07-97-2/22

Red. br.	Naziv robe	Jed. Mjere	Količina	Rok isporuke	Jedinična cijena bez PDV-a (KM)	Popust po jediničnoj stavki (ukoliko ima popust)	Jedinična cijena sa uračunatim popustom po jediničnoj stavki	Ukupna cijena bez PDV-a sa uračunatim popustom (ukoliko ga ima) (KM)
1	Amortizer crt. Br. MS-A4-001/22	Kom	2	9 mjeseci				
2	Ozubljeni vijenac crt.br. MS-A3-001/22	Kom	2	9 mjeseci				
UKUPNO BEZ PDV-a (KM)								
PDV 17% (KM)								
UKUPNO SA PDV-om (KM)								

Datum: _____

Napomena:

Potpis: _____

Pečat: _____

1. Cijene moraju biti izražene u KM. Za svaku stavku u ponudi mora se navesti cijena.
2. Cijena ponude se iskazuje bez PDV-a i sadrži sve naknade koje Društvo treba platiti dobavljaču. Društvo ne smije imati nikakve dodatne troškove osim onih koji su navedeni u ovom obrascu
3. U slučaju razlika između jediničnih cijene i ukupnog iznosa, ispravka će se izvršiti u skladu sa jediničnim cijenama
4. Jedinična cijena stavke se ne smatra računskom greškom, odnosno ne može se ispravljati.
5. Jedinične i ukupnu cijenu dati na maksimalno dvije decimale.



OBRAZAC ZA CIJENU PONUDE - OBRAZAC 3

popunjava strani, ino-ponuđač na paritetu DAP skladište Kupca

Naziv ponuđača: _____

Ponuda ponuđača za postupak javnog nadmetanja broj 07-97-2/22

Red. br.	Naziv robe	Jed. Mjere	Kol.	Rok isporuke	Jedinična cijena (EURO)	Popust po jediničnoj stavki (ukoliko ima popust)	Jedinična cijena sa uračunatim popustom po jediničnoj stavki	Jedinična cijena na paritetu DAP skladište kupca (EURO)	Tarifna oznaka po Carinskoj tarifi BiH za 2016. sa stopom carine za svaku pojedinačnu stavku	Iznos carine za svaku pojedinačnu stavku /EURO/
1	Amortizer crt. Br. MS-A4-001/22	Kom	2	9 mjeseci						
2	Ozubljeni vijenac crt.br. MS-A3-001/22	Kom	2	9 mjeseci						
<u>1.</u> Ukupno na DAP skladište kupca (EURO)										
<u>2.</u> Ukupan iznos carine ako robu ne prati EUR 1. (EURO)										
<u>3.</u> Ukupan iznos: špediterski troškovi, troškovi garancije za carine, ulovara, pretovara, konverzija valuta kod plaćanja i svi ostali troškovi (EURO)										
<u>(1. + 2. + 3.) UKUPNO NA PARITETU DDP skladište kupca bez PDV-a (EURO)</u>										

Datum: _____ Napomena:

Potpis: _____
Pečat: _____

1. Cijene moraju biti izražene u EUR. Za svaku stavku u ponudi mora se navesti cijena.
2. Cijena ponude se iskazuje bez PDV-a i sadrži sve naknade koje Društvo treba platiti dobavljaču. Društvo ne smije imati nikakve dodatne troškove osim onih koji su navedeni u ovom obrascu.
2. Cijena ponude se iskazuje bez PDV-a i sadrži sve naknade koje Društvo treba platiti dobavljaču. Društvo ne smije imati nikakve dodatne troškove osim onih koji su navedeni u ovom obrascu.
3. U slučaju razlika između jediničnih cijene i ukupnog iznosa, ispravka će se izvršiti u skladu sa jediničnim cijenama
4. Jedinična cijena stavke se ne smatra računskom greškom, odnosno ne može se ispravljati.
5. Jedinične i ukupnu cijenu dati na maksimalno dvije decimale.